

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

20. Magos dum illudunt, illudi, & præstigijs suis sæpe perire.

urn:nbn:de:hbz:466:1-45686

reddidisse. Non igitur sanctorum hominum tantum, sed etiam sanctarum rerum vis patescit, dum prodigijs his laruum destrahit. Ita saepissimè ad Iesu & Mariae nomen inuocatum eiusmodi spectra in ventum dissipata videri desierunt.

XX.

Ioan. Nider.
lib. 5. Formic.
cap. 4.

Ven. Beda
lib. 2. vita
S. Patricij.

Quarto multò æquissimè benefici, dum sub his laruis fallere volunt, redeunte in authorem machina, ipsi decipiuntur. Præterquam enim, quod hominis forma figuraque indigni meritò in speciem murium, felium, porcorum, aut asinorum transeunt, & comparati iumentis insipientibus similes illis sunt, plerumque sic exuuijs bestiarum vestiti, vulnerantur, capiuntur, occiduntur; aut dum huic arti fidentes, se tutos esse arbitrantur, incident in casas. Hoc ipsum spectat diabolus, ut oceupet imparatos; & opprimat improvisò. Quemadmodum à supradicto Petro judice audiui, ait Nider, in territorio Bernensis & in locis eidem adiacentibus à sexaginta circiter annis supra facta maleficia à multis practicata sunt. Quorum primus auctor fuit quidam Scæcius dictus, qui publicè de hoc gloriari audebat, quod quandcumq; vollet, ipse se in omnium suorum amulorum oculis velut murem facere valeret, & dilabi à manibus inimicorum suorum lethalium, & ita è capitalibus inimicorum suorum manibus, ut dicitur, sape evanesceret. Sed cum terminum sua malitia diuina iustitia facere voluit, tandem per hostes suos in stufa quadam, prope fenestram quandam sedere explorabatur cautè, quo in loco cum nullum de sibi insidiantibus suspectum haberet, per fenestram gladijs & hastis inopinatè transfixus est, & ob sua facinora mortuus ibi miserabiliter. Hoc lucrum est artis, mutantur, ut occidantur. Quin & summus judex, ut eorum ostendat vanitatem, sinit eos sub hac monstrorum imagine ludos facere, ut tandem, dum lundunt, feria patiantur. Luculentum est, quod Beda refert his verbis: *Nunciatum est S. Patricio aliquando, nequissimum opus cuiusdam Britannici regis nomine Chairtic infans crudelius irritanni, qui erat maximus persecutor & interfeitor Christianorum. S. igitur Patricius per epistolam suam ad viam veritatis eum reuocare tentauit, sed ille salutaria eius monita deridebat. Quod ubi denunciatum est homini Dei, flexis genibus orauit, & dixit: Domine, si fieri potest, expelle perfidum hunc de praesenti saculo & futuro. Neo*

multò

multò post prefatus ille tyrannus musicam artem à quodam sibi praecantari fecit, à quo audiuit, quòd citò de suo regali transiitrus imperio esset: omnesq; charissimi eius in hanc vocem proruperunt. Tunc ille, cùm esset in medio foro illico *VVLPE CVLÆ* miserabiliter arrepta *FORMA* prefectus est in presentia suorum, quòd eum impetus animi duxit: & ex illo die illa, hora velut à diabolo raptus nesciam comparuit. Quidam morituri, in honorem S. Francisci, S. Dominici, S. Benedicti aut alterius sancti habitum induunt, vt in illo sepulti eorum Diuorum patrocinium consequantur, quorum habitum profiteri voluerunt: hic Britannicus rex vulpis pellem induit, vt constaret, qua mente, qua arte fuisset. Mente enim erat similis illi regi, de quo Christus dixit: *Ita dicte vulpi illi: Ecce eiicio demonia, & sanitates perficio hodie & cras, & tertia die consummor: corpus illius in vulpem mutari videbatur, vt palam fieret, qua arte, quod præmium meruisset.* Erat scilicet de numero illorum, de quibus dicitur: *Introibunt Psal. 62, 11: in inferiora terræ, hoc est in infernum, tradentur in manus gladij, partes vulpium erunt, seu Acheronticarum bestiarum, à quibus vulpinari didicerunt.* Hoc autem exemplum et si non profuit illi, qui passus est, prodesse tamen potest ijs, qui viderunt, vel audierunt. Itaque cum D. Augustino concludo: *Qui hucusq; in ipsis diabolis rebus captiuandum diabolo tradidit se, toto corde penitentiam agat, & illa sacrilegia supradicta cum omni horrore fngiat, & contemnat, ut illi Dei indulgentiam dignetur dare, & ad aeternam beatitudinem ob gloriam nominis sui faciat peruenire.*

Luc. 13. 32;

S. Augustin.
serm. 141.

CAPUT LXI.

Suifmet homines vitiis in quales bestias transmutentur?

 Vi mores hominum ingeniaque vult inspicere, neque naturam, neque naturæ Authorem, immò neque admmodum Dei hominumque calumniatorem, tanquam monstrorum caussam, sed se ipsum potius intelligit, aut eos, qui monstrositate aliqua afficiuntur, trutina dignos esse. Siquidem illi sunt potissimum monstrorum caussa, in quorum

Titt

ca